

## **Stáhtaráđi ášahus**

**guollebivddus Deanu čázádagas dahkkon soahpamuša 7 artihkkala 3 čuoggás oaivvilduvvon spiehkastatlaš mearrádusaid fápmuiboahtimii ášahuvvon mearreáiggi guhkideamis notáhtaid lonohallamiin dahkkon soahpamušas**

Stáhtaráđi mearrádusa mielde ášahuvvo:

### 1 §

Norggain notáhtaid lonohallamiin Oslos 29 beaivve njukčamánu 2021 dahkkon soahpamuš guollebivddus Deanu čázádagas Suoma dásseválddi ráđdehusa ja Norgga gonagasriikka ráđdehusa gaskkas dahkkon soahpamuša (SopS 41 ja 42/2017 7 artihkkala 3 čuoggás oaivvilduvvon spiehkastatlaš mearrádusaid fápmuiboahtimii ášahuvvon mearreáiggi guhkideamis, lea fámus 29 beaivvis njukčamánu 2021 dego das lea sohppojuvvon.

### 2 §

Soahpamuša mearrádusat leat ášahussan fámus.

### 3 §

Dát ášahus bohtá fápmui 1 beaivve cuoŋománu 2021.

Helssegis 31 beaivve njukčamánu 2021

Eana- ja meahccedoalloministtar Jari Leppä

Ráđđádalli virgealmmái Tapio Hakaste

(nootin pohjoissaamenkielinen käännös)

**NOTÁHTAID LONOHALLAN**

1. Suoma dásseválldi Oslos lean ambassáda notáhta Norgga gonagasriikka olgoministeriijai

Suoma dásseválldi ambassáda evttoha dearvvahusas Norgga gonagasriikka olgoministeriijai, ja ambassádas lea gudni čujuhit guollebivddus Deanu čázádagas Suoma ja Norgga gaskkas 30 beaivve čakčamánu 2016 dahkkon soahpamuššii (soahpamuš) ja oassebeliid čadahán ságastallamiidda soahpamuša 7 artihkkala 3 čuoggás oaivvilduvvon mearreáiggi guhkideapmái spiehkastatlaččat jagi 2021.

Suoma dásseválldi ráđdehusas lea gudni evttohit, ahte soahpamuša 7 artihkkala 3 čuoggás oaivvilduvvon mearreáiggi guolástannjuolggadusas spiehkaseaddji mearrádusaid fápmui boahtimii guhkiduvvo 1 beaivái miessemánu 2021.

Jus Norgga gonagasriikka ráđdehus dohkkeha ovdalis ovdanbuktojuvvon evttohusa, Suoma dásseválldi ambassádas lea gudni evttohit, ahte dát notáhta ja Norgga gonagasriikka olgoministeriija vástádusnotáhta dahket ráđdehuseideamet gaskasaš soahpamuša, mii boahhtá fápmui ministeriija vástádusa beaivemearis.

Suoma ambassáda ávkástallá dán dilálašvuoda ođasmahttit Norgga gonagasriikka olgoministeriijai alimus gudnejahttimis dáhkádusa.

Oslo, 26 beaivve njukčamánu 2021

2. Norgga gonagasriikka olgoministeriija notáhta Suoma dásseválldi Oslos lean ambassádii

Norgga gonagasriikka olgoministeriija evttoha dearvvahusas Suoma dásseválldi ambassádii ja das lea gudni čujuhit ambassáda 26 beaivve njukčamánu 2021 beaiváduvvon notáhtii PF0Y6E6C-17, mas evttohat guollebivddus Deanu čázádagas Suoma ja Norgga gaskkas 30 beaivve čakčamánu 2016 dahkkon soahpamuša 7 artihkkala 3 čuoggás oaivvilduvvon mearreáiggi guhkideapmái jagi 2021 bokte miessemánu 1 beaivái jagi 2021.

Norgga gonagasriikka olgoministeriijas lea gudni almmuhit Suoma dásseválldi ambassádii ahte Norgga ráđdehus dohkkeha ovdalis evttohuvvon ášši ja ahte ambassáda notáhta ja dát vástádušnotáhta dahket ráddehusaideamet gaskasaš soahpamuša, mii boahtá fápmui otné.

Norgga gonagasriikka olgoministeriija ávkkástallá dán dilálašvuoda ođasmahttit Suoma ambassáda alimus gudnejahttimis dáhkádusa.

Oslos 29 beaivve njukčamánu 2021